

16. 05. 2017  
J.nr. 01.00.01

# **Aqutsinermi Ieqqoreqqusaq**

**Kommuneqarfik Sermersuumi**

**Kommunalbestyrelsimut**

# **Kommuneqarfik Sermersuumi**

## **Kommunalbestyrelsimi Aqutsinermi Ileqqoreqqusaq**

### **§ 1**

Kommunalbestyrelse 19-inik ilaasorta qarpoq, kommunit aqunneqarnerat pillugu Inatsisartut Inatsisaat (tulliuttuni aqutsineq pillugu inatsimmik taagorneqartoq) nr. 22, 18. novembari 2010-meersumi § 3, imm. 2 naapertorlugu qinerneqartunik.

Imm. 2. Kommunalbestyrelse aqutsineq pillugu inatsimmi § 6 naapertorlugu, imm. 3 aamma imm. 4 naapertorlugu ataatsimiinnermi inissitsiterfiusumi borgmesterimik aamma borgmesterip tullersortaanik siullermik tullermillu qinersisassaaq.

### **§ 2**

Kommunalbestyrelsip ataatsimiinnissaanik piareersaanerit, aggersaanerit ataatsimiinnerullu ingerlanneqarnissaanut malittarisassat, aqutsinermut inatsimmi § 1 naapertorlugu Kommunalbestyrelsimit aalajangersarneqartassapput.

### **Borgmesteri**

### **§ 3**

Kommunalbestyrelsip ataatsimiittarneranut atatillugu borgmesterip suliassanut malittarisassat erseqqinnerusut, suleriaatsimi aalajangersarneqarput.

Imm. 2. Aqutsineri inatsimmi § 19 naapertorlugu, borgmesteri ulluinnarni kommunip allaffissornikkut aqunneqarnerani qullersaavoq.

Imm. 3. Suliani ataatsimiititap aalajangersimasup oqartussaaffigisaanut tunngasuni, Kommunalbestyrelsip suliami aalajangiinnginnerani oqaaseqaatit ataatsimiititami pissarsiarineqarsimanissaat borgmesterip isumagissassavaa.

Imm. 4. Suliat naammassineqartarnissaat borgmesterip isumagissavaa, tassungalu ilanngullugu suliat pisariaqanngitsumik kinguaattuunnginnissaat nakkutigissavaa, pisariaqarfiatigullu tamatumunnga maleruagassiorsinnaalluni. Borgmesteri ataatsimiititani sulisorisanillu suliat pillugit paasissutissanik sunilluunniit taakku oqartussaaffigisaannik paasiniaallunilu suliat qanoq isumagineqarnerat pillugu paasissutissanik pissarsiniarsinnaavoq.

### **§ 4.**

Aningaasaliissuteqarfigineqareersimanngitsunik aningaasartuuteqartoqannginnissaa isertitaqartoqannginnissaa lu taamattaarluni aningaasartuutit isertitallu Nakkutilliisoqarfimmit kommunalbestyrelsimillu maleruagassiissutit naapertorlugit pisarnissaat Borgmesterip nakkutigisassaraa. Aningaasanik atuneq aningaasaliissutaariinngitsunik tunngaveqartoq borgmesterip paasippagu, taava apeqqut tassunga attuumassutilik Aningaasaqarnermut Ataatsimiititaq aqqutigalugu Kommunalbestyrelsimi saqqummiunneqassaaq.

Imm. 2. Kommunalbestyrelsip paasissutissatut piumasaqaatai borgmesterimit nalunaarutigineqartussaataapput, borgmesterilu inatsisitigut killiliussatut aalajangersarneqartut naapertorlugit Kommunalbestyrelsip aalajangerneranik malinnittussaataavaoq.

**Ataatsimiititaliat pilersinneqarneri taakkulu ingerlanneqarnerinut assigisaannullu malittarisassat nalinginnaasut.**

**§ 5**

Aqutsineq pillugu inatsimmi §§ 24 aamma 26 naapertorlugit ataatsimiititat makku pilersinneqassapput.

1. Aningaasaqarnermut Inuussutissarsiornermullu Ataatsimiititaq (ilaasortat arfineq-marluk)
2. Meeqqanut Atuarfeqarnermullu Ataatsimiititaq (tallimanik ilaasortaartoq)
3. Isumaginninnermut Suliffeqarnermullu Ataatsimiititaq (tallimanik ilaasortaartoq).
4. Sanarfinermut Avatangiisinullu Ataatsimiititaq (tallimanik ilaasortaartoq)
5. Meeqqanut Ilaqutariinnullu Ataatsimiititaq (tallimanik ilaasortaartoq)

Imm. 2. Aningaasaqarnermut Inuussutissarsiornermullu Ataatsimiititaq eqqaassanngikkaanni, aqutsineq pillugu inatsimmi § 27 naapertorlugu, ataatsimiititat namminneq siulittaasussaminnik qinersissapput. Borgmesteri Aningaasaqarnermut Inuussutissarsiornermullu Ataatsimiititamut siulittaasussaataavaoq.

Imm. 3. Ataatsimiititaliat namminneq suleriaasissartik aalajangersartarpaat.

Imm. 4. Ataatsimiititat tamarmik aalajangiinernik imaqarnilianik suliarinnittassapput, tassani ataatsimiititat aalajangiinerni allanneqartassallutik, ataatsimiinnerullu naanerani ilaasortanit ataatsimiinnermi peqataasimasunit atsiorneqartussamik. Ilaasortat tamarmik isummaminnik allaanerusunik aalajangiinerni imaqarniliamut ilanngussisinnaatitaapput, sulianilu ataatsimiititamit oqartussaasunut allanut nassiunneqartussani imaqarniliap imaanik ilisimatinneqarnissaq piumasarisinnaallugu.

Imm. 5. Ataatsimiititat Kommunalbestyrelsip ukiumoortumik missingersuutitigut akuersissutigisai naapertorlugit, suliassaqaarfittut akisussaaffigisaminni isumaginnissapput. Taakku aningaasaliissutigineqartut atuinivimmit aallaanerunnginnissaat isumagissavaat, taamattaarlu aningaasaliissutaasunit allaanerusunik aningaasaliinissaq kissaatiginartoq imaluunniit pisariaqartoq nalilerunikku, Aningaasaqarnermut Ataatsimiititaq aqqutigalugu Kommunalbestyrelsimut inassuteqartassallutik.

Imm. 6. Iliuusissanik ataatsimiititamut allamut pingaarutilinnik aallartitsinnginnermi, ataatsimiititaq ataatsimiititamik pineqartumik, pisariaqartillugu borgmesterip peqataatinneqarfigisaanik, aqutsineq pillugu inatsimmi § 29 naapertorlugu, isumaqatigiinniuteqassaaq.

Imm. 7. Ataatsimiititat, inatsimmi killissarititaasut malillugit Kommunalbestyrelsilu allamik aalajangiinngippat, kommunip aqutsineranik apeqqusiinngitsumik, suliani assigiiaartuni allamik aalajangiinnaanermik pisinnaatitsinnaatitaavaoq.

**§ 6**

**Aningaasaqarnermut Inuussutissarsiornermullu Ataatsimiititaq**

Aqutsineq pillugu inatsimmi §§ 24 aamma 25 naapertorlugit **aningaasaqarnermut ataatsimiititamik** pilersitsisoqassaaq. Ataatsimiititamittaaq inuussutissarsiornermut tunngasut ingerlanneqarnerat akisussaaffigineqarpoq, **taaguuteqarlunilu Aningaasaqarnermut Inuussutissarsiornermullu Ataatsimiititaq.**

Imm. 2. Aningaasaqarnermut Inuussutissarsiornermullu Ataatsimiititap borgmesteri, ataatsimiititami siulittaasuusoq, kiisalu Kommunalbestyrelsimut ilaasortat arfinillit ilaasortarissavai.

Imm. 3. Ataatsimiititap suliassat aqutsineq pillugu inatsimmi § 25 aamma kapitali 5 naapertorlugit tassunga suliassarititaasut ingerlanneqarnissaat isumagissavai.

Imm. 4. Ataatsimiititap kommunimi akissarsianut sulisoqarnermullu suliassat ingerlanneqarnissaat isumagissavai.

Imm. 5. Kommunimi suliassat, kulturikkut sammisassaqaqtitsinerneq tunngasut, ataatsimiititap isumagissavai.

Imm. 6. Ataatsimiititap kommunip innuttaasunik sullissiviata ingerlanneqarnera nakkutigissavaa.

Imm. 7. Suliat kommunip pilersaarusiornermik suliassaanut, aningaasaqarneranut allaffissornermulluunniit tunngasunut nalinginnaasunut tunngasut tamaasa pillugit, suliaq Kommunalbestyrelsimut aalajangiiffigisassanngorlugu saqqummiunneqannginnerani, ataatsimiititaq oqaaseqaatinik pissarsiniartoqassanersoq pillugu malittarisassanik aalajangersaassaaq.

Imm. 8. Kommunip aningaasatigut pilersaarusiorneqarnerata, tassunga ilanngullugu missingersuusiortarnermut najoqqutassiortarnerit aqunneqarnerat Aningaasaqarnermut Inuussutissarsiornermullu ataatsimiititap isumagissavai. Ataatsimiititap kommunip pilersaarusiutaasa ataqatigiissakkamik aaqqissuunneqarnissaat isumagissavaa.

Imm. 9. Ataatsimiititaq kommunip missingersuutaanut siunnersuusiortarpoq, kommunillu naatsorsuutai Kommunalbestyrelsimut saqqummiuttarlugit.

Imm. 10. Illunik pisinerup, attartornerup, tunisinerup aningaasanillu taarsigassarsinerneq tunngasut sallunaveeqqusiinerup aqunneqarnerat ataatsimiititap isumagissavaa.

Imm. 11. Kommunimi immikkut ilisimasallit siunnersoqatigalugit ataatsimiititaq kukkunersuiornermik siunnersuusiussaaq kommunillu karseqarneq naatsorsuuteqarnerlu pillugit malittareqqusaa pillugu Kommunalbestyrelsimut inassuteqassalluni.

Imm. 12. Ataatsimiititap ataavartut aamma nunaqarfinnik aqutsisut/najukkani ataatsimiititap taakkununga attuumassutillit suleqatigalugit, ataatsimiititaq kukkunersuiusut oqaaseqaatigisimasaannut akissutissanik Kommunalbestyrelsimut saqqummiussassamik siunnersuusiussaaq.

Imm. 13. Ataatsimiititaq imigassanik kimittuunik tuniniaasinnaanermut sassaallersinnaanermullu akuersissuteqarfigineqarnissamik isumaginnittuuvoq.

Imm. 14. Ataatsimiititap kommunip ingerlatseqatigiiffiiniittut soqutigisai nakkutigissavai.

Imm. 15. Ataatsimiititap aningaasatigut pilersaarusiornermut ingerlatsinerneq aningaasartuutissanik missingersuutiniittunik nikisiterisinnaanermut kiisalu sanaartugassanut aningaasaliissutinik

sanaartugassanut allanut nuussisinnanermut tunngasoq suliarissavaa.

## § 7

Aningaasaqarnermut Inuussutissarsiornermullu Ataatsimiititap makkua malittarisassaliussavai:

- Nalunaarusiat kommunip pisorta qarfianeersut Ataatsimiititap missingersuusiormik aningaasanillu akuersisarmik nakkutiginninnera pillugu
- Kommunimi sulisorisat pillugit suliassat ingerlannissaat
- Kommunip nalilinnik pigisaasa qanoq annertutigisumik sillimmasernissaat
- Kommunip niuerniartarnerata ataqatigiissumik aaqqissuunneqarnissaa
- Maleruagassat aamma akigititat kiisalu motorilinnik qamutaatilinnik nakkutilliinermut tunngasut.

## § 8

Aningaasaqarnermut Inuussutissarsiornermullu Ataatsimiititap nakkutigissavaa:

- aningaasanik nalillit ingerlanneqarneri Kommunalbestyrelsimi aalajangikkat naapertorlugit pisarnersoq, nakkutigissallugillu nakkutillineq aamma isumannaallisaaneq pillugit aalajangersakkat naapertorlugit ingerlatsisoqarneris, taassuma ataani atsiuisinnaanermut aamma aningaasanik tunniussisinnanermut maleruagassat naammassineqarsimanersut.
- kommunip karsiinik aamma kommunip naatsorsuutaanik ingerlatsinerit isumannaatsumik ingerlanneqarnerisut.
- ukiumut ataatsimut missingersuutini aningaasaliissutissatut nalunaarutigineqarsimasut Kommunalbestyrelse akuersiseqqaarnagu ilassutitut aningaasaliissutitut isikkoqartillugit sippuisoqartannginneris.
- kommunip allagaataasa toqqorsivimmiittut isumannaatsumik inissisimanissaat.

## § 9

Aningaasaqarnermut Inuussutissarsiornermullu Ataatsimiititap, Kommuneqarfik Sermersuup aamma Sermersuumi Inuussutissarsiornermut Siunnersuisooqatigiit akornanni kiffartuussinermut isumaqatigiissummi suliassa qarfiit ilaatinneqanngitsut, isumagissassarai.

Tassa immikkoortut makku ataatsimiititap isumagissassaralugit:

- Oqartussaasutut suliassat, soorlu aalisarnermut akuersissutinik agguaassinerit kiisalu
- Piniarnermut, aalisarnermut nunalerinermullu tunngasuni tusarniaanermi akissuteqaasiormik
- Sermersuumi Inuussutissarsiornermut Siunnersuisooqatigiit aamma Destination East Greenlandip kiisalu Nanu Travelip akornanni kiffartuussinissamik isumaqatigiissutinik akuersissuteqartarneq
- Suliassa qarfimmi kiffartuussinissamik isumaqatigiissutinik akuersissuteqartarneq
- Sermersuumi Inuussutissarsiornermut Siunnersuisooqatigiit inuussutissarsiutit pillugit pilersaarusaannik akuersissuteqartarneq
- Ataatsimiititap susassa qarfiani illuutinik ingerlatsinerit.
- Illuliornermut tapiissutit

Sermersuumi Inuussutissarsiornermut Siunnersuisooqatigiinnut isumaqatigiissuteqarneq atorunnaarsinneqarpat, siunnersuisooqatigiit susassa qarfiit ataatsimiititap utertillugit tigussavai.

Imm. 2. Ataatsimiititap Sermersuumi Inuussutissarsiornermut Siunnersuisoqatigiinnit inuussutissarsiornermut pilersaarusi at immikkoortunik allanik, nammineq ataatsimiititaliallu allat attuumassuteqarfigisaannut ataqatigiissartassavai.

Imm. 3. Ataatsimiititap kommunip attaveqaatitigut pisariaqartutigut aammalu inuussutissarsiornermut ineriartortitsinermit pilersaarutaasa ataqatigiinnerat qulakkiissavaa.

Imm. 4. Ataatsimiititaq makku pillugit Kommunalbestyrelsimut inassuteqaasiortassaaq:

- Ataatsimiititap susassa qarfiinut tunngasunut ataatsimut politikki
- Ataatsimiititap suliaassa qarfiinut periusissat
- Ataatsimiititap suliaassa qarfiinut ineriartortitsinermit pilersaarutit

### **Ataatsimiitit at aavartut**

#### **§ 10**

**Meeqqanut Ilaqutariinnullu Ataatsimiititaq tallimanik ilaasorta qartoq.**

Imm. 2. Meeqqanut Ilaqutariinnullu Ataatsimiititaq suliani inatsisit naapertorlugit ataatsimiititamut suliaassaritneqartut malillugit aalajangiisassaaq.

Imm. 3. Meeqqanut Ilaqutariinnullu Ataatsimiititap meeqqanut ilaqutariinnullu attuumassuteqartut makku isumagisassarai:

- Meeqqanut, inuusuttunut ilaqutariinnullu ikiorsiissutit
- Meeqqat annertuumik innarluutillit ikorfartorneri
- Pinaveersaartitsineq
- Ataatsimiititap suliaassa qarfiiani illuutinik ingerlatsineq

Imm. 4. Ataatsimiititaq, Aningaasaqarnermit Inuussutissarsiornermullu Ataatsimiititaq aqqutigalugu, Kommunalbestyrelsimut makku pillugit inassuteqaateqartassaaq:

- Ataatsimiititap susassa qarfiinut tunngasunut ataatsimut politikki
- Ataatsimiititap suliaassa qarfiinut periusissat
- Ataatsimiititap suliaassa qarfiinut ineriartortitsinermit pilersaarutit

#### **§ 11**

**Isumaginninnermit Suliffeqarnermullu Ataatsimiititaq tallimanik ilaasorta qarpoq.**

Imm. 2. Isumaginninnermit Suliffeqarnermullu Ataatsimiititaq suliani inatsisit naapertorlugit ataatsimiititamut suliaassaritneqartut malillugit aalajangiisassaaq.

Imm. 3. Ataatsimiititap isumagissavai suliaassat kommunimi isumaginninnermit suliffeqarnermullu attuumassuteqartut aqunneqarnerat, makkua ilanngullugit:

- Pisortanit qulakkeerinnissutitut tunniussat
- Utoqqalinermit siusinaartumillu pensionisiaqalersitsinerit

- Imigassamik atonerluinnermut katsorsaanerit
- Inunnik annertuumik innarluuteqartunik ikorfartuineq
- Suliffeqarnermik annertusaanerit
- Suliffissarsiuussinerit, tassunga ilanngullugu avataanit suliaartortunik nakkutilliineq
- Ataatsimiititap suliassaqarfiani illuutunik ingerlatsineq
- Majoriaq
- Piorsaavik

Imm. 4. Ataatsimiititaq isumaginninnermi annertusaalluni suliniutit pillugit pilersaarutunik Aningaasaqarnermut Inuussutissarsiornermullu Ataatsimiititaq aqutigalugu kommunalbestyrelsimut siunnersuusiortarlunilu inassuteqaasiortarpoq aammalu piginnaasanik ineriartortitsineri pingaarnernik pilersaarusiortarnerit aamma sammisassaqaartitsinerimut tunngasut.

## § 12 .

**Sanarfinermut Avatangiisinullu Ataatsimiititaq tallimanik ilaasortaqaarpoq.**

Imm. 2. Sanarfinermut Avatangiisinullu Ataatsimiititaq suliani inatsisit naapertorlugit ataatsimiititamut suliassaritineqartut malillugit aalajangiisassaaq.

Imm. 3. Sanarfinermut Avatangiisinullu Ataatsimiititap suliassaqaarfiit teknikkimut avatangiisinullu tunngasut, pilersaarusiortarnerup ineriartortinneqarneranut, kiisalu pinngortitamut piujuartitsinissamullu tunngasuni kommunip suliassaanut tunngasut isumagisarai, taakkununga ilanngullugit:

- Nunaminertanut Oqartussaqaarfik
- Sanaartornermut Oqartussaqaarfik
- Avatangiisinut Oqartussaqaarfik
- Illoqarfiup Pilersaarusiortarneranut Oqartussaqaarfik
- Aqqusinernut tunngasut
- Nunat sunngiffimmi ornigarneqartartut
- Kommunimi innaallagissiorfiit, imeqarfiit il.il.
- Pilersuisoqarneq
- Eqqaaveqarneq aamma avatangiisinut tunngasut
- Sanaartugassat
- Kommunip illuutaanik ingerlatsineq aserfallatsaaliuinerlu
- Kommunip illuutaanik iluarsaaneq
- Qatserisartoqarneq
- Pinngortitamik illersuinnermi kommunip suliassai
- Ataatsimiititap suliassaqarfiani illuutunik ingerlatsineq

Imm. 4. Ataatsimiititaq, Aningaasaqarnermut Inuussutissarsiornermullu Ataatsimiititaq aqutigalugu, Kommunilbestyrelsimut makku pillugit inassuteqaateqartassaaq:

- Kommunimi pilersaarusiortarnerup (illoqarfiup ilaanut pilersaarusiortarnerup aamma qanoq iliuuseqarnissamik pilersaarusiortarnerup il.il.).
- Nuna tamakkerlugu pilersaarusiortarnermut kommunip ilanngussai
- Pilersuinnermik suliffeqarfinni akigitat, tassunga ilanngullugit busseqarneq.

Imm. 5. Ataatsimiititaq, Aningaasaqarnermut Inuussutissarsiornermullu Ataatsimiititaq, aqutigalugu inissialortiternerup annertusaavigneqarnissaanut pilersaarusiortarnerup tunngasunik Kommunilbestyrelsimut inassuteqaateqartassaaq.

Imm. 6. Ataatsimiititap nakkutigissavaa kommunimut iluaqutaasussamik pigisanut aalaakkaasunut pisussaaffiit pisussaaffinnullu uppernarsaanerit eqqortinneqarnissaat.

Imm. 7. Ataatsimiititaq kommunip illuliassanut sanaartugassanullu tamanut sanaartornermi sanaartortuuvoq, tassunga ilanngullugit illunik annertuumik allanngortiterinissat aamma iluarsaanissat.

Imm. 8. Ataatsimiititaq makku pillugit, Aningaasaqarnermut Inuussutissarsiornermullu Ataatsimiititaq aqutugalugu, Kommunalbestyrelsimut siunnersuusiorlunilu inassuteqaateqartassaaq:

- Ataatsimiititap susassaqrifiinut tunngasunut ataatsimut politikki
- Ataatsimiititap suliaasaqrifiinut periusissat
- Ataatsimiititap suliaasaqrifiinut ineriartortitsinerimut pilersaarutit

### § 13

**Meeqqanut Atuarfeqarnermullu Ataatsimiititaq tallimanik ilaasortaqrarpoq.**

Imm. 2. Meeqqanut Atuarfeqarnermullu Ataatsimiititaq suliani inatsisit naapertorlugit ataatsimiititamut suliaasaritneqartut malillugit aalajangiisassaaq.

Imm. 3. Meeqqanut Atuarfeqarnermullu Ataatsimiititap meeqqanut, inuusuttunut atuarfinnullu attuumassuteqartut makku isumagisassarai:

- Ulluunerani meeqqanut paaqqinniffissanik neqeroorutit
- Meeqqat atuarfiat
- Sunngiffimmi atuartitsineq, innuttaasunut paasissutissiineq kiisalu meeqqanut inuusuttunullu sunngiffimmi sammisassaqrartitsineq
- Nipilersornermik llinniarfik
- Timersornikkut sammisassat
- Meeqqanut inuusuttunullu sammisaqrartitsinerit ineriartuutaasut
- Perorsaanikkut Tarnikkullu Atukkatigut Siunnersuisarfik
- Inersimasunut sunngiffimmi nalinginnaasumik atuartitsineq
- Ataatsimiititap suliaasaqrifiani illuutiniq ingerlatsineq

Imm. 4. Ataatsimiititap isumagisassarai ininik atortitsisarnerit attartortitsisarnerillu kommunip illuutai peqatigiiffinnit atorneqarsinnaasut Ataatsimiititamut isumagisassanngortinneqarsimasut.

Imm. 5. Ataatsimiititap isumagisassarai peqatigiiffinnut assigisaannullu Kommunalbestyrelsip sukumiinerusumik aalajangersagai naapertorlugit tapiissuteqartarneq aamma suliniuteqartarneq.

Imm. 6. Ataatsimiititaq, Aningaasaqarnermut Inuussutissarsiornermullu Ataatsimiititaq aqutugalugu, kommunimi atuarfeqarfinni ilinniagassatut pilersaarutit pillugit Kommunalbestyrelsimut siunnersuusiorlunilu inassuteqaateqartassallunilu.

Imm. 7. Ataatsimiititaq makku pillugit, Aningaasaqarnermut Inuussutissarsiornermullu Ataatsimiititaq aqutugalugu, Kommunalbestyrelsimut siunnersuusiorlunilu inassuteqaateqartassaaq:

- Ataatsimiititap susassaqrifiinut tunngasunut ataatsimut politikki
- Ataatsimiititap suliaasaqrifiinut periusissat



- Ataatsimiitap suliassaqaarfiinut ineriartortitsinermut pilersaarutit

## **Nunaqarfinni aqutsisut**

### **§ 14**

Aqutsineq pillugu inatsimmi kapitali 6 naapertorlugu nunaqarfinni aqutsisut makku pilersinneqassapput.

Imm. 2. Nunaqarfiit **Kulusuk, Tiilerilaaq** aamma **Isertoq** ataatsimut nunaqarfinni aqutsisunik tallimanik ilaasortalinnik qinersissapput.

Nunaqarfiit **Kuummiit Sermiligaarlu** ataatsimut nunaqarfinni aqutsisunik tallimanik ilaasortalinnik qinersissapput.

Nunaqarfiit **Kapisillit Qeqertarsuatsiaallu** ataatsimut nunaqarfinni aqutsisunik tallimanik ilaasortalinnik qinersissapput.

Nunaqarfik **Arsuk** nunaqarfinni aqutsisunik pingasunik ilaasortalimmik qinersisassaaq.

Imm. 3. Nunaqarfinni aqutsisut siulittaasumik nammineerlutik qinersisarput.

Imm. 4. Nunaqarfiit aqutsivigineqarnerannut maleruagassat erseqqinnerusut nunaqarfinnut suleriaasissatut aalajangersakkami, aqutsineq pillugu inatsimmi § 52 naapertorlugu, Kommunalbestyrelsimit aalajangersarneqassapput.

### **§ 15**

Nunaqarfinni aqutsisut ataatsimiinnerinut piareersarnek, ataatsimiigiaqqusineq ataatsimiinnernilu ingerlatsineq pillugit maleruagassat, taakkununga ilanngullugit nunaqarfinni aqutsisuni siulittaasup tamatumunga tunngatillugu suliassai, aqutsineq pillugu inatsimmi § 52 naapertorlugu, nunaqarfinni aqutsisut suleriaasissaanni aalajangersarneqassapput.

### **§ 16**

Kommunalbestyrelsip nunaqarfinni aqutsisunut suleriaasissani aalajangersassavaa, nunaqarfinni aqutsisuni ataasiakkaani oqartussaaneq qanoq ittoq tunniunneqarsimanersoq.

Imm. 2. Ingerlatsineq pissaaq Kommunalbestyrelsip missingersuusiatus akuerisaasa iluanni, aamma maleruagassat Kommunalbestyrelsimit aalajangersarneqartut malillugit.

### **§ 17**

Nunaqarfinni aqutsisut kommunip aningaasaataanik atuinera Kommunalbestyrelsip nakkutigissavaa.

## **Missingersuutit, naatsorsuutit aamma kukkunerisuiineq**

### **§ 8**

Ukiumut tulliuuttumut kommunip missingersuutai qanoq aningaasalersornissaannik takussutissartalerlugu missingersuummullu missiliuutitalerlugu, aqutsineq pillugu inatsimmi § 42, imm. 4 naapertorlugu, kingusinnerpaamik missingersuutit inaarutaasumik akuerineqarnerannit ullut 14-it qaangiutsinnagit Naalakkersuisunut nassiunneqassapput.

Imm. 2. Kommunalbestyrelse, aqutsineq pillugu inatsimmi § 49 naapertorlugu, kukkunersiuisumik naalagaaffimmit akuerisaasumik sulisitaqassaaq.

Imm. 3. Kommunip karsiani naatsorsuuteqarneranilu aaqqissuussinissamik ingerlatsinissanillu maleruagassat Kommunalbestyrelsip peqqussutit aalajangersassavai. Peqqussut kommunip kukkunersiuisuanut nassiunneqassaaq, tassungalu aamma peqatigitillugu peqqussut atuutilersinnagu peqqussummi allannguutigittinniakkat tamaasa pillugit, aqutsineq pillugu inatsimmi § 50 naapertorlugu, ilisimatinneqassaaq.

## § 19

Kommunip naatsorsuutai Aningaasaqarnermut Inuussutissarsiornermullu Ataatsimiititami, piffissap Naalakkersuisunit aalajangersarneqarsimasup iluani, aqutsineq pillugu inatsimmi § 47 naapertorlugu, Kommunalbestyrelsimut saqqummiunneqassapput.

Imm. 2. Ukiumut naatsorsuutit Kommunalbestyrelsip kukkunersiuisunut, ukiup naatsorsuiffiusup kingorna 1. juuli nallertinnagu, tunniutissavai. Peqatigitillugu ukiumut naatsorsuutit ataatsit Kommunit Nakkutilliisoqarfiannut nassiunneqartassapput.

Imm. 3. Kukkunersiunerup naammassinerata kingorna ukiumut naatsorsuutit kukkunersiuisunit nalunaarusiorneqassapput, karsimut naatsorsuuteqarnermullu peqqussummi aalajangersakkat naapertorlugit kukkunersiuneq ingerlanneqarsimanersoq.

Imm. 4. 1. oktobari nallertinnagu kukkunersiuisut ukiumoortumik naatsorsuutit kukkunersiorsimanerannik Kommunalbestyrelsimut nalunaarusiussapput.

Imm. 5. Ukiumoortumik naatsorsuutit aamma kukkunersiuisut nalunaarutaat kiisalu Kommunalbestyrelsip tamatumunnga akissutaa Naalakkersuisunut decembarip qaammataata naannginnerani nassiunneqassapput. Peqatigitillugu nassiunneqassaaq kukkunersiuisunut akissutitit allakkiap assilinerata ataaseq.

## § 20

Kommunalbestyrelsip kukkunersiuisut periarfississavai misissuinissanut il.il., taakku pisariaqartutut isigisaannut, isumagisassallugu kukkunersiuisut paasissutissinneqassasut ikiorneqassasullu kukkunersiuisut suliaminnik ingerlatsinissaminnut pisariaqartitamisut isigisaanni, aqutsineq pillugu inatsimmi § 49 naapertorlugu.

## § 21

Ukiumoortumik naatsorsuutit kukkunersiorsimanerannik kukkunersiuisut ukiumut nalunaarusiaminni kukkunersiuerminnik aamma oqaaseqaateqarfigisariaqakkaminnik imaluunniit pissutsinik allanik saqqummiuttariaqakkaminnik nalunaarusiussapput. Naatsorsuutini sunik Kommunalbestyrelsip aalajangigaanut naapertuutinnigitsuusorisaaqarunik imaluunniit inatsisinut aalajangersakkanullu atuuttuusunut naapertuutinnigitsuusorisaaqaraangamik kukkunersiuisut

oqaaseqaateqartassapput.

Imm. 2. Nalunaarusiaq Aningaasaqarnermut Inuussutissarsiornermullu Ataatsimiititami akisassanngorlugu saqqummiunneqassaaq, ilanngullugit oqaaseqaatit Aningaasaqarnermut Inuussutissarsiornermullu Ataatsimiititap ingerlataanut attuumassuteqanngikkaluut kiisalu ataatsimiititanut ataavartunut ataasiakkaanut attuumassutillit, Kommunalbestyrelse ataatsimiinnermini inaarutaasumik aalajangiitinnagu kukkuneriusut oqaaseqaataat apeqqutaasinnaasullu allat naatsorsuutitut pineqartunut attuumassutillit qanoq akineqassanersut.

## **Akissarsiat il. il.**

### **§ 22**

Borgmesteriunermut, borgmesterip tulliunermut, Kommunalbestyrelsimi ilaasortaanermut, nunaqarfimmi aqutsisuni ilaasortaanermut, ataatsimiititami siulittaasuunermut, nunaqarfimmi aqutsisunut siulittaasuunermut ajunngitsorsiaqartitsineq, aqutsineq pillugu inatsimmi kapitali 8-mi aalajangersakkat naapertorlugit Kommunalbestyrelsimit najoqqutassiani aalajangersarneqartassaaq.

## **Ileqqoreqqusami allannguutit**

### **§ 23**

Ileqqoreqqusaq una Kommunalbestyrelsip atuuffiani atuutilersumik 16.maj 2017 atuutilissaaq.

### **§ 24**

Ileqqoreqqusamut tassunga allannguutissatut siunnersuutit tapiliussallu Kommunalbestyrelsip ataatsimiinnerini marlunni eqqartorneqassapput, sivikinnerpaamik ullunik 14-inik akunnilerlugit, aqutsinermi ileqqoreqqusami § 1, imm. 2 naapertorlugu, allannguutitullu akuerineqartut tapiliussallu Naalakkersuisunut ingerlateqqinneqassapput, aqutsinermut inatsimmi § 1, imm. 4 naapertorlugu.

Taamaasilluni Kommunalbestyrelsip 2. maj 2017 ataatsimiinnerani, aammalu Kommunalbestyrelsip 16. maj 2017 ataatsimiinnerani aappassaaneerlugu akuersissutigineqarpoq.

Nuuk, 16. maj 2017

  
Asii Chemnitz Narup  
Borgmesteri

